

Takurda-o Burus ayoore-o o wu gene Timoti

Rem-se ro n-me à:

M-zantɛ 1:1-2

Ur-bongon, un do ye un jaab-o ur-hur ne 1:3—
2:13

Ya-ut-ma ur-kewes ne 2:14—4:5

Ma-ut Burus to un hi un de un wu 4:6-18

Ur-kom 4:19-22

Ur-gas

¹⁻² **Timoti**, me Burus, ko-yan-tom **Kiristi*** Yeso, ro wo genen ka takurda-o. Me Burus, ko-yan-tom **Kiristi** Yeso, remen Shir conog kaane. Shir tomog me, um ko'ote ma-to un swor o-nu o un hoog. Ka hoog-o ro be-ur **Kiristi** Yeso.

Timoti, wa re, me m-was un wo ne deen. Me us-kon Shir Tato na un **Kiristi** ne Yeso Wan-Koyan na rem ru. Me us-kon wu kutu wo yar-mo Shir, wu gut wo ur-'won ne. Komo wu 'ye wo gwugwu-mo ur-hur.†

*Burus doote Timoti jaab-o ut-men,
wu nomot senge-mo Shir ya'ase wu a*

³ Me m-bom un Shir, wu me m-nome m-guw a. Bo tat-ne re ye n-ga nome wu m-guw a, um nomotu wu m-guw un hur-ur gaan. Koyanda me ro us-kon rem ru, m-how, m-tet ne, me un

* **Bor-o gaan:1-2** 1:1-2 Wu Shir daagne a. † **Bor-o gaan:1-2** 1:1-2 Hyen komo: Seng 16:1.

bongon-de Shir. ⁴ Me bakse naase-mo un men-ut ru, un yish-m ru ne, da-o a caage à. Me m-hoge un reeb-o un hyan-o ru komo, remen un nak wo ru zak-o hoot me. ⁵ Um bakste unze o shereg be-ur Yeso **Kiristi**, un hur-ur gaan. Wu mate inu ru Yunis à, un inu un wu, Royis, ye ba'ag wo m-sher un hur-ur gaan. Um dek un hur un de, unze o shereg be-de un wu tomso ne. ‡ ⁶ Remen kaane o, me wo m-bakse o nom m-'wons un ka myot-se Shir ya'u wo à, tomso ne, o ma'as un nom un senge-mo Shir ya'u wo à, kom-ut yoor. Da-o um huu wo kom-to o-kwum à, Shir ya'ag wo beeb-de un nom un ka senge-mo. ⁷ Me un zee kaane remen **Kukt-o Shir** ya'u na à, o na m-rwo a hogute o-gyer á. Amba o na m-'ya ur-beeb de un guw-mo Shir, un was un hun-ne ne, un bo a he garamse un hi un na ur-bon ne à.

⁸ Remen kaane, wo hoge 'e-mo un rwor un ma-ut Wan-Koyan na á. Komo wo hoge 'e-m re, me wu a ka'e remen Wan-Koyan á. Amba joose un me ne, be-de un swo ur-koob remen ka **Ma-to m-Rerem** to. Shir a 'ye wo 'wons-mo m-nom kaane. ⁹ Shir guug na, wu bandu na, a she'ette she'et-de un ba m-kukop. Wu un band na, yanze remen senge-mo ur-bon mo a m-nom á. Amba wu un band na, remen wu un hi un de un wu zongsute wu nomot kaane, komo remen wu kututu na yar-mo Shir un ka bu-yo. Rii-yo Shir nomot hono o-dak, wu kututu na yar-mo un wu, un bu-yo un tom un **Kiristi** Yeso un ka dak-o. ¹⁰ Amba m-moka, Shir kutute na yar-mo un wu, be-de

‡ **Bɔr-o gaan:5** 1:5 Hyen komo: Seng 16:1.

un haan-m **Kiristi** Yeso **Wan-Gwu** na. Yeso wu saburse 'wɔns-mo m-mar. Komo da-o Yeso ruwu na **Ma-to m-Rerem** à, wu kutu na ka hoog-o ba m-ta o cas. ¹¹ Remen ka **Ma-to m-Rerem** to, o Shir daaguntu me. Shir un daag me um waragte ko-yan-ko'ot un Ma-to un wu, ko-yan-Tom Yeso, un komo wan-yoose un hun-ne ne bo a he dore un Yeso **Kiristi** à. § ¹² Remen me un rure hun-ne Ma-ut Yeso **Kiristi**, o rwo'e um rotte m-swo ur-koob kaane ke'o. Amba myet un kaane ne, me m-hoge m-'e á. Remen um nepste un wu um sherte à. Komo um nak wua was un me ne, un kap rii-yo wu yase me ur-gut à, har ha-mo un ka ho-de un piish ut-ma de.

¹³ Bop ka yoos-de o-nip de, kom-ut yoor, ka de o hoge be un de à. O dore sha-mo un yoos un de. Nom kaane m-sher, m-was ne, mo **Kiristi** Yeso ya'su wo à. ¹⁴ Bop ka yoos-de o-nip de kom-ut yoor, de Shir ya'su wo à. **Kukt-o Shir** o ro ur-she'et n-me un hur-ur na à, o gu na m-was un ka yoos-de o-nip de ne.

¹⁵ O nepse unze **yan-dor Yeso** kap, ye ro un dak-o o-Asiya tukute me o-cin. Har un Pajerus ne un Hamojenis ne, ye tukute me o-cin.

¹⁶ Me us-kon Wan-Koyan kute yan-hur-o Onesiporus ne 'wɔn-de un wu. Me us-kon kaane, remen koyanda wu ro me un 'ya un jaab-o ut-men. Komo wu hoge 'e-mo m-haan wu hyenet me ke'o á. ¹⁷ Amba bo wu woone bo-o o-**Roma** à, wu hooburu me ba m-naas o-da, se da-o wu hyane me à. ¹⁸ Remen kaane, me us-kon Wan-Koyan kute wu 'wɔn-de un wu un ka ho-de un

§ **Bor-o gaan:11** 1:11 Hyen komo: 1Tim 2:7.

piish ɔt-ma de! Wɔ ɔn hi ɔn du o nepse, da-o ɔm ro ɔn bɔ-o o-Apisu à, wɔ guug me.

Bɔr-ɔs yoor

Ko-karma Yeso Kiristi, wɔ o-nip

¹ **Timoti**, wɔ ɔntɔn wà re wɔ. O ma'as ɔn nɔm ɔn jaab-o ɔt-men be-de ɔn yar-mɔ Shir, mɔ **Kiristi** Yeso ya'u wɔ à. ² O hogute me ɔn yoose ɔn hun-ne ma-ɔt **Kiristi**. ɔm yoosute hun-ne ka ma-to ɔn co-o ɔn ya-ɔs-tɔr deen. ɔm ɔnɔg o yoose hun-ne ye o-nip gɔn ka ma-to. Ye he mhoks ɔn yoose ɔn ye ken hun-ne komo à. ³ Nɔm ɔr-joose ɔn te ne, be-de ɔn swɔ ɔr-koob, ɔntɔn ko-karma-wɔ ɔr-bon, wɔ ma Yeso **Kiristi**. ⁴ Ko-karma ro'e be-de ɔn senge-mɔ ɔn wɔ. Wɔ ro m-rwɔ ɔn hi ɔn de ɔn wɔ, n-me ɔn rem-se ro se ɔn karma-ne á. Amba ɔn-mɔ ɔn ko-karma mɔ, wɔ ru wan-co o ɔn wɔ hoge rerem-mɔ ɔn wɔ. ⁵ Ka ro tomso ne be-de ɔt-mur, yatt-wɔ a he m-aag o-keeg á, se wɔ dorute jor-se ɔn ka mur-to. ⁶ Ka ro tomso ne ko-wa-o-kat wɔ nɔme senge-mɔ ɔn wɔ bɔ a ɔne à. Wɔ depe wɔ be m-kum kwukwur-de ɔn rem-se o-kat. ⁷ Nɔm ɔs-barag ɔn to ka ma-to ɔm gendu wɔ à. ɔrege o nɔmog kaane, Wan-Koyan wɔa 'ye wɔ ɔs-ɔnap, ɔn ka ma-to kap.

⁸ Baks ɔn bɔ Yeso **Kiristi** ro à. Wɔ Shir 'yonse ɔt-marimar à, wɔ rwuune ɔn baag-o **Dawuda** à, ka **Ma-to m-Rerem** to, to ma **Kiristi**, to me m-ko'ote ɔn hun-ne à. ⁹ Remen me ɔn ko'ot ɔn ka **Ma-to m-Rerem** to, o hante ɔm rotte ɔn swɔ ɔr-koob. M-moka me ke'o ɔntɔn wɔ nɔme **ur-ba'as** à. Amba yatt-wɔ he hoks m-gaag ɔn Ma-to Shir

á. ¹⁰ Remen kaane, um nomog ur-joose un swo ur-koob un ko yo ke rii-yo. Um ko'ote ka ma-to, remen hun-ne ye Shir daage à. Remen ye, un ce un ye, ye kumut gwu o a m-kum be-ur **Kiristi** Yeso à, komo ye cuw be-de un ka seps-mo un ba m-ta mo.

¹¹ Ka ma-to nip-o, to ro m-zee,
Urege net marag un **Kiristi**,

wua nom m-hoog un Yeso ne tomso ne.

¹² Urege net nomog ur-joose un swo ur-koob rem
Yeso,

wua nom ut-gwomo un Yeso ne.

Amba urege net nomog she-mo un nap un Yeso,
Yeso a nom she-mo un nap un ka net-wu.*

¹³ Urege net ko-wa-o-nip-wu be-ur Yeso á,
Yeso ro m-barme á, wu ro ko-wa-o-nip.

Remen Yeso a nom she-mo un hi un de un
wu á.

*Ko-ya-m-senge-wu Shir ro m-hoge
un rere-mo un wu à*

¹⁴ O ma'as yan-dor m-bakse un ka ma-to um zee à, komo o nek ye ut-to remen Shir. Taase ma-to sunu ye, remen yo gom-ut ro m-zee à. Remen gon ka sune-mo ut-ma mo ro m-hante rem-se o-hwaa. Komo to ro un hante un naase-mo ut-men be-de un ye ro to m-hoge à. ¹⁵ Nom bo un nom-m ru, bo Shir hette m-ho'os o-wur un wo ne à. O warag ko-ya-m-senge, wu ro m-hoge 'e-mo un senge-mo un wu á. Komo o ma'as un yoos un gom-de o-nip hond hond. ¹⁶ O som nom un ma-to o-hwaa to un ba ur-hi. Hun-ne ye ro un nom

* **Bqr-qs yoor:12** 2:12 Hyen komo: Mati 10:33; Ruka 12:9.

ʉn ma-tʉ o-hwaa à, rʉ m-warag yan-koʉb-de o-dorʉtte ʉ Shir. ¹⁷ Yoos-de ʉn ye rʉ m-ha ko kene ʉntʉn caari-ʉ o-nat, ʉ rʉ m-ti ʉn ap-mʉ o-wʉr à. Himeniyus ʉn Peretus ne, ye rʉ ʉn gon ka yoos-de. ¹⁸ Ka nen yoor-ye, yagute sher-mʉ o-nip mʉ ye rotte à. Ye zee ʉnze Shir be'este wʉ 'yonsute yan-dor ʉt-marimar. Remen kaane, ye rʉ ʉn rwʉ ʉn ye ken yan-dor ye yage m-sheer be-ʉr **Kiristi**. ¹⁹ Amba hun-ne ye Shir sa o zee shi'it-de rʉ m-nukte á ye rʉ. Be-de ʉn ka shi'it-de Shir geneg: "Yawe nak hun-ne ye rʉ ye ma ʉn wʉ à."† Komo Ma-tʉ Shir zee, "Da-ʉ wʉ ken, wʉ zee ye, 'Yawe wʉ rʉ Wan-hur re.' Ka net-wʉ, se wʉ yage nom **ur-ba'as**."‡

²⁰ N-me ʉn den-ʉ ʉn ko-wan-hwor, sheend-ʉt rʉ kon tʉ ʉn ma-tʉ o-zinariya, tʉ ken sheend-tʉ rʉ kon komo tʉ ʉt-ba. Ka sheend-tʉ o-zinariya tʉ, hun-ne ʉn ess-tʉ remen senge-mʉ ʉn ho-de o-biki. Ka tʉ ʉt-ba tʉ ne hun-ne ʉn ess-tʉ remen senge-mʉ ʉn ho-de o-hwaa. ²¹ Kaane rʉ be-de ʉn ko-yan-dor-wʉ wongse hi ʉn de ʉn wʉ be-de ʉn ka rem-se o-hwaa se à, wʉa warag sa o zee sheend-tʉ Shir esse remen ho-de o-biki à. Wʉ waragte ba m-kukop, Shir a hoks nom m-senge ʉn wʉ ne. Komo zongse wʉ rʉ remen wʉ nomot ko mʉ ke gon senge-mʉ ʉr-bon mʉ.

²² **Timoti** nom ja, ʉn nom ʉn rem-ʉs yo-se ne, se yan-campo-ne rʉ m-con m-nom à. Ma'as ʉn nom ʉn rii-yo rʉ so-yo à. Senge m-sheer be-de Shir, m-was ne, ʉn she'et-de ba ʉt-ween ne. Nom ʉn gon ka rem-se, ʉn myet ye rʉ ʉs-kon be-ʉr

† **Bqr-ʉs yoor:19** 2:19 Hyen komo: Qog 16:5. ‡ **Bqr-ʉs yoor:19** 2:19 Hyen komo: Isha 52:11.

Wan-Koyan ʊn hur-ʊr gaan à. ²³ Da-ɔ hun-ne ro ʊn sune-mo ʊt-ma to o-hwaa to rotte ʊr-hi á, o nom ja ʊn ye ne. Nom ja remen wo ʊn hi ʊn du o nepse gon ka ma-to ro m-hante ʊt-ween. ²⁴ Taase wan-senge-m Wan-Koyan wu ma'as ʊn moor-to ʊt-ween á. Amba wu gut kowan ʊn gwugwer-mo ʊr-hi ne, komo wu hoks m-yoos yo Ma-to Shir zee à, ʊn mo ʊn hur-de ʊn wu ne. ²⁵ Ka da-de, n-me ʊn gwugwer-mo ʊr-hi, wu kewes ye ro ʊn yage-to ʊn yoos-de ʊn wu à. O ken da-ɔ Shir a 'ye ye o-da, ye waktune be-de ʊn wu, ye nep yo nip-o ro à. ²⁶ Ka da-de, yea muun ʊn barag-se ʊn ye, ye kumut m-posse be-de ʊn ceeb-o ʊn **ko-Gwomo-wu ʊn ya-ut-kot**. Wu ro shikke ye ʊn o à, remen ye nomot yo wu cone à.

Bɔr-ʊs tet

She'et-de ʊn hun-ne ʊn kom-de o-da

¹ **Timoti**, ʊm conog o nep unze ʊn ho-to ʊr-kom, hun-ne a su ʊr-koob deen. ² Yo rwo'e ʊm zeet kaane à, remen:

Hun-ne yea ma'as yan-con-to ʊn hi ʊn de ʊn ye temb.

Yea ma'as yan-con-to ʊn hwor,

Ya-ʊs-se,

Yan-nu-mo ʊr-hi,

Ya-ut-reeb,

Yan-koob-de o-dorotte o ʊn ye mate ye à,

Yan-nu-se ʊn o-kiit,

Yan-koob-de ʊn gyer-o Shir.

³ Yan-koob-de m-was ʊn hun-ne ne,

Ya-m-ees ʊn or re ʊn ye ne ʊr-hur,

Yan-we-to hun-ne,

Yan-koob-de un garamse un hi un de un ye,
 Ya-m-zwom,
 Ya-ur-shoob un kap rii-yo ro so-yo à.

⁴ Ya-m-re o-ra,

Ye ro un nom un rii ba m-ceker un yo he m-kor
 à,

Ye ro shiishe un nu-mo ur-hi ne,

Yan-con-to un hoge un rerem-mo un hi un de
 un ye arge con-to Shir,

⁵ Ye ro m-nom sa o zee ye un dorotte-o Shir.

Amba ye m-con Shir ja'as rem-qs yo-se, se ye
 ro m-nom á.

Nom ja un gon ka hun-ne ye ne.

⁶ Yo rwo'e um zeet o nom ja un gon ka hun-
 ne ye ne à, remen ye ken ye ro m-raks hun-ne
 remen ye tuwut hur-to un ye. Ye m-nom un
 kaane remen ye gamsute ne'a-ne ye m-raag.
 Ka ne'a-ne ye **ba'as-ut** daag un hi-to un ye, komo
 con-to un nom un rem-qs yo-se gamsute ye.

⁷ Koyanda a ro ye m-yoose, amba myet un kaane
 ne, ye wo m-nap un yoos-de o-nip á. ⁸ Ye ro
 untun Jenis un Jambaras ne ye nome **Mosa** ur-
 shoob n-ga n-ga à. Ka bo-se o, ka hun-ne ye ro
 ur-shoob un rii-yo ro o-nip à. Barag-se un ye rott
 ur-bon á, sher-mo un ye komo mo ut-bo mo.*

⁹ Amba yea hoks raks un hun-ne un ya o-da hiin.
 Remen ba m-jime deen, kowan he m-hyan un
 rem-se o-hwaa se un ye cas, untun bo kore un
 Jenis ne un Jambaras à.

Burus nak Timoti ut-to

* **Bqr-qs tet:8** 3:8 Hyen komo: Rwuu 7:11.

10 Amba wɔ, **Timoti**, o nepse ɔr-bon ne, yo me m-yoose ɔn hun-ne à. O nepse komo bo ɔm nome she'et ɔn de à. O neps yo ɔm cone ɔm nom à. O nepse ɔm shereg be-de Shir. O nepse me ɔn 'mo ɔr-hur ɔn hun-ne ne, komo me ɔn was ɔn hun-ne. Komo o nepse ɔm joosute ɔs-rem deen. 11 O nak hun-ne ya'ag me ɔr-koob. O nak komo rem-ɔs yo-se se kumu me n-me bo-to o-Antakiya, o-Ikoniya ne, o-Risiya ne. O nak hun-ne ya'ag me ɔr-koob, amba ɔm joosute, Wan-Koyan Yeso guug me be-de ɔn ye kap.† 12 Kap wu cone wu nom gon she'et-de Shir cone à, wu sher be-ɔr **Kiristi** Yeso, wua su ɔr-koob be-de ɔn hun-ne. 13 Amba yan-men-ut jaas-to, ɔn ya-ut-raks ne, she'et-de ɔn ye ɔr-yo-de a do m-ha n-co n-co. Ye ro ɔn raks ɔn hun-ne, ɔn ce ɔn ye, a ye ut-raks. 14 Amba wɔ, senge m-sher be-de o-nip o a yoose wɔ à. O sher hur ɔn du ɔn o ne deen, remen o nepse ka ye yoose wɔ à, wɔa hoks wos ɔr-be ɔn ye ne. 15 O nak Ma-to Shir cin da-o o ro'e wà rek-wu à. Ma-to Shir a hoks wɔ m-'ya ɔs-nap ɔnze se o shereg ɔr-hur be-ɔr **Kiristi** Yeso, ka da-de ne wu he wɔ m-gwu. 16 Kap Ma-to Shir to ro gense à, to ɔn rwuun be-de Shir. To ro ɔn gwu ne be-ɔr na:

Be-de ɔn yoose ɔn hun-ne,
 ɔn kwos ɔn ye ba'ase ne à,
 ɔn ja'as ɔn ye nome **ur-ba'as** à,
 ɔn yoose hun-ne bo ye he she'et-de ɔr-bon à.

17 Shir ɔn ya'as na Ma-to ɔn wu remen kap net-wu ro wu Shir à, wua ma'as zongse, wu nomot

† **Bqr-qs tet:11** 3:11 Hyen komo: Seng 13:14-52; Seng 14:1-7; Seng 14:8-20.

ko mɔ ke gon sɛnge-mɔ ɔr-bon mɔ.

Bɔr-ɔs nass

¹ Ʋm mɔssute wɔ ɔn Shir ne, ɔn **Kiristi** Yeso ne. Baks wɔ he piishe ɔn yan-hoog ɔn margan-ne ɔt-ma à. Komo baks wɔ roon wɔ nomot ɔt-gwɔmo tɔ ɔn hono o-dak. ² Me, Burus, rɔ wɔ m-zee o ko'ot Ma-tɔ Shir. Zonge o ko'ot Ma-tɔ Shir, da-o hun-ne cone m-hoge à, komo ɔn da-o ye cone ye hoge á. O rure hun-ne ye ja'as, da-o ye nome yo depe á, o kwos ye. O do ye jaab-o ɔt-men, ye sɛnge ɔn nom ɔn rii so-yo. Nom ka rem-se ɔn 'mɔ ɔr-hur, komo o ma'as ye m-yoose ɔn Ma-tɔ Shir. ³ Me wɔ m-rure ɔn ka ma-tɔ remen da-o roon, o hun-ne a cun ye hoge yoos-de o-nip á. Amba yea nom rem-ɔs yo-se se hur-de ɔn ye cone à. Komo yea raks tɔ-tɔ ɔn ye be-de yan-yoos-de ɔt-bo. Ka yoos-de rɔ ye m-rure yo tɔ-tɔ ɔn ye cone m-hoge à. ⁴ Hun-ne a nom gop-de ɔn hoge o-nip ɔn Ma-tɔ Shir á, amba yea ke tɔ-tɔ ɔn ye be-de ɔt-zwom tɔ o-hwaa. ⁵ Amba wɔ **Timoti**, o garamse hi ɔn du koyanda. O 'mɔ ɔr-hur, da-o ɔn swɔ ɔr-koob. O nom sɛnge-mɔ ɔn ko-ya-m-Rwor ɔn **Ma-tɔ m-Rerem**, tɔ Shir. O nom sɛnge-m ru ɔr-bon ne, mɔ Shir ya'asu wɔ, o nom à.

⁶ Hoog-m re, a ya'aste mɔ untun ɔr-seke de m-swɔ be-de Shir. Da-o um he m-yage ɔn mɔ ka hoog-mɔ à, nomoste. ⁷ Ʋm sha'ag kashi ɔt-mur, um komog sɛnge-mɔ Yeso **Kiristi**, yase me um nom à. Komo, um ma'aste m-bop ɔn **Ma-tɔ m-Rerem** kom-ɔt yoor. ⁸ M-moka Shir essute me

'yons-ur kashi n-ton o-shir, remen um sengute m-sher be-de un wu. Wan-Koyan wan-piish ut-ma wu o-nip, wua ya'as me ur-'yons un ka ho-de un piish ut-ma de. Me wu cot Wan-Koyan he m-ya'as un ka 'yons-de un hon-de á. Amba Shir a 'ye hun-ne ka 'yons-de, komo myet un ye ro ur-gop ye hyenet muun-mo un wu à.

Burus conog Timoti gu wu

⁹ **Timoti**, koyan wo m-nom, o nom kyak, o haan be un de hor-m-hor. ¹⁰ Um conog o haan remen Dimas wongute un me ne. Wu wongute un me remen gop-de un rem-se un hono o-dak. Wu neketē bo-o o-Tasaronika. Komo Kirezens haag raag-o o-Garatiya. Titus komo wu haaru raag-o o-Darmatiya.* ¹¹ Ruka wu cot ro kane un hon-de un wu be un de. O hoob Markus, no haan no un wu ne remen wua hoks me m-gu deen, n-me un senge-m re kane.† ¹² Um tomog Tikokos ha-mo un bo-o o-Apisu.‡ ¹³ Da-o um she'ete un bo-o o-Toruwás à, um yagnute cop-o o-huw un kom-ut Karbus. Hakkure, da-de o he m-haan à, o deknū me o. Komo o deknū me takurda-ut re. Wo bopre ka to a nome un ka-to un gwoor á.§

¹⁴ Ka ko-ya-o-pyap-wu Arekanda nomotu me rem-ɔs yo-se. Wan-Koyan a top wu bo un rem-ɔs yo-se se wu nome à.* ¹⁵ Wo ma o nom ceen un

* **Bor-ɔs nass:10** 4:10 Hyen komo: Koro 4:14; Pmɔn 24; 2Kor 8:23; Gara 2:3; Titu 1:4. † **Bor-ɔs nass:11** 4:11 Hyen komo:

Koro 4:14; Pmɔn 24; Seng 12:12,25; 13:13; 15:37-39; Koro 4:10; Pmɔn 24. ‡ **Bor-ɔs nass:12** 4:12 Hyen komo: Seng 20:4; Apis 6:21-22; Koro 4:7-8. § **Bor-ɔs nass:13** 4:13 Hyen komo: Seng 20:6.

* **Bor-ɔs nass:14** 4:14 Hyen komo: 1Tim 1:20; Bɔng 62:12; Roma 2:6.

wu ne, remen wu ro ut-yage un yoos-ur na ne deen.

¹⁶ Da-de a taknu me m-hante be-de un ko-wan-piish ut-ma kanu un bo-o o-**Roma** a, um ruute hi un de be-de un ye ro me us-cetente a, yatt-wu su'e me a. Ye tukute me o-cin kap mo un ye. Um konog Shir sokse ye ka **ba'as-de**. ¹⁷ Myet un kaane ne, Wan-Koyan ro eso un me ne. Wu ya'ag me ur-beeb, har um hokste ko'ot un ka **Matto m-Rerem** to, to ma Yeso **Kiristi**. Hun-ne ye ro **Yahuda**-ne a ro kanu ye hogute to. Komo Wan-Koyan guug me sa o zee wu posse m-mar un nu-o o-zur a. ¹⁸ Um nepste Wan-Koyan wua ruut me un ko yo ke rii yo-yo yo. Wua 'er me, wu woot me be-de un gwomo-to un wu to n-Ton o-shir. Yage a bumut Wan-Koyan, har da-o ba m-ta! **Amin**.

Gas-de ur-kom

¹⁹ Hakkure o gassu me Biskira, un campo un wu ne Akira.

O gassu me komo, yan-den-o Onesiporus ne.†

²⁰ Erastus ro kon har m-moka n-me bo-o o-Korinti, komo um yagnute Taropimus n-me bo-o o-Miritus wu piishe a.‡ ²¹ Koyan wo m-nom, o nom kyak, o haan be un de rii-yo huw-o woonte. Or na ne yan-dor kap, ro no ur-gas. Yuburus un Pudens ne, un Rayinus ne, un Karawudiya ne, ye ro no ur-gas komo. ²² Wan-Koyan ro un wo ne! Yar-mo Shir ro un no ne!

† **Bqr-qs nass:19** 4:19 Hyen komo: Seng 18:2; 2Tim 1:16-17.

‡ **Bqr-qs nass:20** 4:20 Hyen komo: Seng 19:22; Roma 16:23; Seng 20:4; 21:29.

ut-Hun New Testament

Hun-Saare: ut-Hun New Testament New Testament

copyright © 2017 Wycliffe Bible Translators, Inc.

Language: Hun-Saare

Contributor: WBT Central Zone

© 2017 Wycliffe Bible Translators, Inc. in cooperation with the Ut-Hun Bible Translation Project All rights reserved. The New Testament in ut-Hun (Eastern Dukawa)

All rights reserved.

2020-11-17

PDF generated using Haiola and XeLaTeX on 21 Feb 2024 from source files dated 29 Jan 2022

4b40cd80-7cb8-5d3d-8563-557f030f99d7